

ዛካርያስ ዓይያ ካር

ጾአሲ ማሊያ ኬኤዛ ዛካርያስ ማፃአፓ ላምፖ ቤሲ ፓቂንታ ማሊሢ ዓኣያኬ፤

ፔታሳዛ ዓይሢ 1—8 ሄላንዳኣና ዓኣ ማሊያኬ፤ ዬና ኪሪሰቶሴ ሾይንታንዳሢኮ ቤርታ ደንጎ ጃኤታና ላማታሚ ሌዔፓ ዴንዲ ደንጎ ጃኤታና ታጳ ሳሊ ሌዔ ማዓ ጋርይዳ ዳማ ዳማ ዋዴና ጾአሲ ማሊያ ኬኤዛ ዛካርያስ ኬኤዜ ባኣዚ ዓርቂያኬ፤ ዬያታ ጾአሲ ማሊሢ ማዔም ኬኤዚንቲ ቃኣላ ጾአሲ ፔጋሲ ዳቄ ጎይሢና ኬኤዚንቲያ ማዓዛ፤ ዬይ ኬኤዚንቲ ባካ ዬሩሳላሚኮ ጊንሢ ላሚ ዓካዲያ፤ ጌኤዡ ማኣርኮ ጊንሢ ማዢንቲያ፤ ጾአሲ ዴርኮ ጎማፓ ጌኤሸኪፖንታ ሃጊ ሙካንዳ ማሲሄ ዋዶ ዛሎዋ ኬኤዛያኬ።

ላምዓሳያ ዓይሢ 9—14 ሄላንዳኣና ዓኣ ቤዘይዳ ኬኤዚንቲ ባካ ዳካ ናጌፖ ኬኤዚንቲ ጾአሲ ማሊሢ ዓርቂያኬ፤ ዬያታ ጾአሲ ማሊሢ ማዔ ኬኤዚንቲ ቃኣላ ኬኤዛሢ ሃጊ ሙካንዳ ማሲሄ ዛሎንታ ጋፔጊያና ዋጊንታንዳ ዋጎ ዛሎንታኬ።

ማፃአፔላ ዲማ ዲማ ዓርቂ ባኮ

ሜታ ዓኣያ ማዔፃ ላቲ ኬኤዚንቲሢና ሃጊ ሴካ ዋዛ ዓኣያ ማዔፃ (1:1—8:23)

ዒሰራዔኤሌኮ ዓሺኖ ማዔ ዓጮይዳ ዋጊንታንዳ ዋጌ (9:1-8)

ሃጊ ሴካ ዓኣ ያርጎቹምንታ ዋዛንታ ዛላ (9:9—14:21)

ናንጊና ናንጋ ጎዳ ፔ ዴራ ዒዛ ባንሢ ማዓንዳጉዲ ዔኤሌሢ

1 ዳኣሪዮሴ ፓሪሴይዳ ካኣታዴንቲ ላምዓሳ ሌዮኮ ሳላሳ ዓጊኖና ዒደኮ ናኣዚ፤ ባራኪዮ ናፖ ማዔ፤ ጾአሲ ማሊያ ኬኤዛ፤ ዛካርያስም ናንጊና ናንጋ ጎዳ ኬኤዜ ቃኣላ ያዲኬ፤

2 ዛካርያስ ዴርም ሂዚ ጌይ ኬኤዛንዳጉዲ ቢያ ባኮ ዋይሢ ጎዳ ማዔ ጾኣዛሢ ዓይሢ፡- «ታኣኒ፡ ናንጊና ናንጋ ጎዳ ዒንሢኮ ቤርታኣ ዓደንሢ ዑፃ ሚርጌና ዳጋዴኔ፤

3 ሃሢ ጋዓንቲ ታኣኒ ዒንሢም ሂዚ ጋዓኔ፡- ታ ባንሢ ማዑዋቲ፤ ታኣኒያ ዒንሢ ባንሢ ማዓንዳኔ።

4 «ዒንሢኮ ቤርታኣ ዓደንሢጉዲ ማዔፖቲ፤ ዔያቶም ሚና ታ ማሊያ ኬኤዛ ዓሳ፡- ዒንሢ ሃንታ ዋቦ ጎይያና ፑርቶ ማዶናፓ

ማዑዋቴ፤ ጌይ ላቲ ከኤዚናኦኮኬ፤ ዒንሢኮ ቤርታኦ ዓደንሢ ጋዓንቴ ዬያ ዋይዚባኦ፤ ታኦኮ ዓይሢያዋ ካፒ ማዲ ኩንሢባኦ።

5 ሃሢ ዬያታ ዒንሢኮ ቤርታኦ ዓደንሢ ዋካ ዓኦይ? ታ ማሊያ ከኤዛ ዓሶ ማዔቴያ ናንጊና ናንጋያዳ?

6 ጋዓንቴ ታ ዓይሎ ማዔ፣ ታ ማሊያ ከኤዛ ዓሶ ዛሎና ዒንሢኮ ቤርታኦ ዓደንሢሞ ታ ዒንጌ ዋኅንታ ዓይሢያንታ ካፖ ዒዲያና ዔያቶ ሜታ ሄለባይ? ዬያሮ ዔያታ ፔ ዳቢንቶ ዔሪ፡- «ቢያ ባኮ ዋይሢ ጎዳ ማዔ ያኦዛሢ ማሌ ጎይያጉዴያ ኑ ማዴ ማዴ ጎይያና ኑ ሃንቴ ጎይያናጉዴያ ኑጊዳ ዒዚ ዓጌ ሜታሢ ፒዜ ካራናኬ» ጌዔኔ።።»

ያኦሲ ማሊያ ከኤዛ ዛካርያስም ፔጋዲ ጴዳ ፓራሢ

7 ዳኦሪዮሴ ካኦታዴንቴ ላምዓሳ ሌያና፣ ሸባጭ ጌይንታ ታጶ ፔታሳ ዓጊና ጭራሬንቴ ላማታሚ ያይዳሳ ከሎና ዒዶ ናኦዚ ባራኪዮ ናይ ማዔ፣ ያኦሲ ማሊያ ከኤዛ ዛካርያስም ናንጊና ናንጋ ጎዳ ሂዚ ጌይ ከኤዜኔ።።

8 ያኦሲኮ ከኢታንቻሢ ዘቄ ፓሮይዳ ዳይ ዓኦንቴ ታኦኒ ፔቴ ዋንቴና ዳንቄኔ። ዒዚ ዶኦጮይዳ ዓኦ ባርሴኔቴ ጌይንታ ሚያ ባኦካ ዔቄኔ፤ ዒዛኮ ጊንያይዳ ዘቄ፣ ዲንኪ ዘቄ፣ ሃሢ ጋላፒ ፓራ ዔቄ ዓኦኔ።።

9 ታኦኒ ዒማና፡- «ታ ጎዳሢዮ! ሃይ ፓራሢ ዓይጎ ማላቲ ዳዋያዳያ?» ጌይ ያኦሲ ከኢታንቻሢ ኮይላ ያኦጮኔ።።

ዒዚ ማሃያ፡- «ሃይ ፓራሢ ዓይጎ ማላታ ዳዋቴያ ታኦኒ ኔና ቤኤዛንዳኔ፤

10 ዔያታ ሳዖ ሃንቴ ሙሪ ሙካንዳጉዲ ናንጊና ናንጋ ጎዳ ዳኬያኬ» ጌዔኔ።።

11 ዔያታ ዒማና፡- «ሳዖ ኑ ቢያ ሃንቴ ሙሪ ዛጌኔ፤ ሳዓ ቢያ ሜታ ባኦያ ኮሺኬ» ጌይ ያኦሲ ከኢታንቻሢም ከኤዜኔ።።

12 ከኢታንቻሢ፡- «ቢያ ባኮ ዋይሢ ጎዳሢዮ! ዬሩሳላሜንታ ዪሁዳ ካታሞ ቢያሢ ዑያይዳ ኔ ዳጋዴንቴ ሃይሸ ላንካይታሚ ሌዔ ዓኦዴኔ፤ ኔኤኒ ዔያቶ ማኦሩዋኦሢ ዋማ ሄላንዳኦናዳያ?» ጌይ ያኦጮኔ።።

13 ዬካፓ ናንጊና ናንጋ ጎዳ ታኦና ዋላ ጌሰታ ከኢታንቻሢም ኮሺ ዋዛሳ ዑኡሲና ዶዲሻ ጌኤሲያ ጌሰቲ ማሃኔ።።

14 ዬያሮ ከኢታንቻሢ ታኦም ቢያ ባኮ ዋይሢ ጎዳ ማዔ ያኦዛሢ ጋዓ ባኮ ሂዚ ጌይ ዳጊዲ ከኤዜ ጌዔኔ፡- «ዲዮኔንታ ዬሩሳላሜንታ ታኦሮ ሌሊ ማዓንዳጉዲ ኮዓ ማሊሢና ዴኤፒ ናሹሞዋ ታኦኮ ዓኦኔ፤

1:8 ዮሃ. ያፕ. 6:2-8።

15 ከሹዋ ዓኣያ ማዕም ሂርጋ ባኣያ ናንጋ ሜሌ ደር ካኣቶ ዑዳ ሚርጌና ታኣኒ ዳጋዴኔ፤ ዓይጎር ጌዔቴ ታኣኒ ታ ደርይዳ ሜቶ ዓጊያ ዳካር ሃሼ ዋደና ዬያታ ካኣታ ታኣኮ ደር ኮይሳሢፓ ዑሣ ፑርታ ጎይሢ ሚታሴኔ።

16 ዬያር ካታሜሎ፥ ዬሩሳላሜ ማኣራኒ ገንሣ ታ ሸሪ ዓዛ ዛጋንዳኔ፤ ታኣኮ ጌኤዡ ማኣሮንታ ካታሜሎንታ ገንሣ ዓካዲ ማዠንታንዳኔ።።»

17 ያኦሲ ከኢታንቻሢ ገንሣ ሃሣ፡- «ቢያ ባኮ ዋይሣ ጎዳ ካታማ ገንሣ ያርጎጫንዳጉዲ ማሃንዳሢ፥ ዬሩሳላሜ ካታሞዋ ሚናኣሲጉዲ ዓዚ ማኣዳንዳሢንታ ፔ ካታማ ማሃ ዓዚ ዶኦሪንዳያ ማዔሢ ከኤዜ» ጌዔኔ።

ያኦሲ ማሊያ ከኤዛ ዛካርያስም ፔጋዲ ጴዳ ያይዶ ጉራኒ

18 ሃሣ ያኦሲ ታና ያይዶ ጉራኒ ፔጋሲ ዳዌኔ፤

19 ታኣና ዋላ ጌሰታ ከኢታንቻሢ ኮይላ ታኣኒ፡- «ሃንሢ ጉራናንሢ ዓይጎ ማላታ ማዒ ዳዋቴያ ታኣም ከኤዜ» ጌዔኔ።

ዒዚ፡- «ሃኣታ ጉራና ዪሁዳንታ ዒሰራዔኤሌንታ ዬሩሳላሜንታ ደር ዳውሲ ባይዜ ካኣቶኩ» ጌዔኔ።

20 ዬካፓ ናንገና ናንጋ ጎዳ ሞቶሻ ኩጫ ዔኪ ዓኣ ያይዶ ጌቶ ታና ዳዌኔ፤

21 ታኣኒ ዒማና፡- «ሃንሢ ዓሳ ዓይጎ ማዳኒ ሙኩ ዓሲዳይ?» ጌይ ያኦሲ ከኢታንቻሢ ኮራ ያኦጩኔ፤ ዒዚ ማሃዮ፡- «ዔያታ ሙኬሢ ዪሁዳ ሳዮጋፒሲ ባይዚ፥ ደርዋ ዳውሲ ፒፒንፂዳ ሜሌ ደር ካኣቶኮ ካራ ባይዚ ዋዲ ኩርሳኒኩ» ጌዔኔ።

2

ዛካርያስም ያኦሲ ፔጋሲ ዳዌ ዋርቆ ዋደር

1 ፔ ኩጫ ዋርቆ ዋደራ ዔኪ ዓኣ ፔቴ ዓሲ ያኦሲ ፔጋሲ ታና ዳዌኔ፤

2 ታኣኒ፡- «ኔኤኒ ዋኒ ዴንዳይ?» ጌይ ዬያ ዓሢ ያኦጩኔ፤ ዒዚ፡- «ዬሩሳላሜ ካታሞኮ ያደሱሞንታ ዳልጉሞንታ ዋኣዲታቴያ ታኣኒ ዋርቂ ዔራኒ ዴንዳይ» ጌዔኔ።

3 ዬካፓ ታኣና ጌሰታ ከኢታንቻሢ ቤርቲም ሴካ ዴንዳይቴ ሜሌ ያኦሲ ከኢታንቻሢ ዒዛና ካኣማኒ ሙካያ ታ ዴንቄኔ።

4 ቤርታኣ ከኢታንቻሢ ላምዓሲ ጴዳ ከኢታንቻሢም፡- «ዋርቂ ዔር ዋደር ዔኪ ዓኣ፥ ሃሴኩ ዴጌሢ ኮይላ ጳሽኪ ዴንዲ ዬሩሳላሜይዳ ሚርጌ ዴሬንታ ቆልሞንታ ዓኣሢር ዴኤፒ ከኤሌ ዲሢ ማዠን ሜቶኩ» ጌይ ከኤዜ።

5 ናንገና ናንጋ ጎዳ ፔኤሮ ካታሜሎኮ ዙሎይዳ ታሚ ዲሢ ማዒ ካፓንዳሢና ፔኤኮ ቦንቸናኣ ዒኢካ ፔጋዲ ናንጋንዳሢ ኬኤዜኔ» ጌዔኔ።

ሜሌ ዓጮ ዴንዲ ዓኣ ዓሳ ፔ ዓጮ ማዓንዳጉዲ ኬኤዚንቴሢ
6 ናንገና ናንጋ ጎዳ፡- «ዓጮኮ ሃይዶ ዛሎ ቢያ ታ ዒንሢ ሃያኮ ቤርታ ዜርቂ ዳኬኔ፤ ሃሢ ጋዓንቴ ዓጮኮ ኬዶ ዛላፓ ዔቂ ቶላኒ ጳሽኩዋቴ።

7 ዒንሢ፥ ደውሲንቴ ዴንዲ ባብሎኔይዳ ናንጋ ዓሳ ዬሩሳላሜ ማዒ ሙኩዋቴ» ጋዔኔ።

8 ዒንሢ ካኣማ ዓሲ ዒዛ ዓኣፖኮ ካርያማ ሄላ ዓሲ ማዒ ዛገንታንዳኔ። ዒዚ ታና ቦንቸሲ፥ ዒንሢ ቡሬ ዴሮዋ ማኪ ታ ጌሰታንዳጉዲ ዳካናና ታኣም ኬኤዜ ቃኣላ ያዲ ጋዓያኬ።

9 «ሃሢ ታኣኒ ታኣኮ ዋልቆ ዔያቶ ዳዋንዳኔ፤ ዔያታ ሃያኮ ቤርታ ዓይሌ ማሂ ሻንቂ ዔኪ ዋይሢ ዓሶ ኩጮ ጋሮ ዲዒንቴ ጌላንዳኔ፤ ዬካፓ ዒንሢያኣ ቢያ ባኮ ዋይሢ ጎዳ ታና ዳኬያ ማዔሢ ዔራንዳኔ።»

10 «ታኣኒ ሙኪ ዒንሢ ባኣካ ናንጋንዳሢ ፎሩሳላሜ ዴሬዮቴ! ታና ቦንቸ ዓይናዲዋቴ! ዋዛዲያ ዒላሹዋቴ!» ጋዔኔ ናንገና ናንጋ ጎዳ።

11 ዬይ ያዲ ማዔ ዋዶና ሜሌ ዴሮፓ ሚርጌ ፃጲ ናንገና ናንጋ ጎዳና ዋላ ማዒ ዒገንታንዳኔ። ዒዚ ዔያቶ ባኣካ ናንጋንዳኔ፤ ታናኣ ዒንሢ ባንሢ ዳኬሢ ዒዛ ማዔሢ ዒንሢ ዔራንዳኔ።

12 ያኣሲም ዲማዴ ሳዔሎይዳ ዓኣ፥ ዪሁዳ ፔ ዴኔ ማሂ ያኣሲ ዔካንዳኔ፤ ዬሩሳላሜ ገንሣ ላሚ ፔኤሮ ማሂ ዒዚ ደኦራንዳኔ።

13 ናንገና ናንጋ ጎዳ ዒዛኮ ናንጎ፥ ጌኤዦ ማኣሮይዳፓ ሙካኒ ገኢገ ዔቁሢሮ ዓሲ ቢያ ዒዛ ቤርታ ዚቲ ጎፆንጎ።

3

ቄኤሶ ሱኡጋሢ ዛሎ ያኣሲ ዛካርያስም ፔጋሲ ዳዌ ባኮ

1 ዬካፓ ቄኤሶ ሱጋሢ፥ ዒያሱ ያኣሲ ኪኢታንቻሢኮ ቤርታ ዔቂ ዓኣያ ናንገና ናንጋ ጎዳ ታኣም ፔጋሲ ዳዌኔ፤ ዒማና ፃላሄ ዒያሱ ካሳሳኒ ዒዛኮ ሚዛቆ ዛላ ዔቂ ዓኣኔ።

2 ያኣሲኮ ኪኢታንቻሢ ፃላሄ ኮይላ፡- «ሃይ ኔ ፃላሄ! ናንገና ናንጋ ጎዳ ኔና ጎሮም! ዬሩሳላሜ ፔኤሮ ማሂ ደኦሬ፥ ናንገና ናንጋ ጎዳሢ ኔና ጎሮም! ሃይ ዓሢ ታሚ ጋውሎንቴ ባሺ ዓቲ ዓኣ ሚሢታሢ ኔ ዛጉዋይ» ጌዔኔ።

3:1 ዓ.ዘ. 5:2፤ ዮሃ. ያፔዳ 12:10። 3:2 ዪሁ. 9።

3 ዲያሱ ከንቄ ዓፒላ ማአዲ ያኦሲ ከኢታንቻሢ ቤርታ ዔቂ ዓአኔ።

4 ያኦሲኮ ከኢታንቻሢ ዒዛሞ ዓይሢንቲ ማዳ ሃንጎ ከኢታንቻ፡- «ዬያ ከንቄ ማአዓሢ ዒዛ ዑፃፓ ሺኢሹዋቲ!» ጌይ ዓይሢኔ፤ ዒማና ሃሣ ዒዚ ዲያሱ ባንሢ ሺራዎ፡- «ጎሞ ታ ኔኤኮ ኔጊዳፓ ሺኢሹኔ፤ ቃራ ኮሺ ማአዎ ታ ኔና ማይሳንዳኔ» ጌዔኔ።

5 ዛካርያስ ዲማና፡- «ቶኦካኦ ዒዛኮ ጌኤሺ ዓፒላ ማሩዋቲራ» ጌዔኔ፤ ዔያታኦ ዓይሢንቲ ጎይዎማ ማዳኔ፤ ዲያሱ ዲማካ ዔቂ ዓአ ጎይሣ ዓአንቲ ያኦሲኮ ከኢታንቻ ዓኪ ማአዎ ዒዛ ማይሴኔ።

6 ዲማና ያኦሲ ከኢታንቻሢ ዲያሱም፡-

7 «ቢያ ባኮ ዋይሣ ጎዳሢ ሂዚ ጋዓኔ፤ ኔ ሃንታ ሃንቲፃ ታ ጋዓ ጎይዎጉዲ ማዔቲ፤ ታ ኔና ዓይሢ ባኮ ቢያ ኔ ማዲ ኩንሢቲ፤ ታኦኮ ጌኤዢ ማአሮ ኔ ቢታንቶና ኔ ዋይሣንዳጉዲ፤ ታኦኮ ዴራ ቡካ ጳኦኮይዳኦ ዴኤፑሞ ቢታንቶ ታ ኔኤም ዒንጋንዳኔ፤ ሃይካ ሃሢ ዔቂ ዓአ ያኦሲ ከኢታንቻና ዋላ ኔ ማዳያ ታ ኔና ማሃንዳኔ።

8 ቄኤሶ ሱኡጋሃ፡ ዲያሱ! ዋይዜ፤ ዒንሢያኦ ዒዛና ዋላ ቄኤሴ ማዒ ማዳያ፡ ጊንሣ ሃሣ ሃጊ ሴካ ማዓንዳ ባኮኮ ማላታ ማዒ ዓአ ዓሳ ሃያ ታ ጋዓሢ ዋይዙዋቲ፤ <ሚሢ ካኦፒ> ጌይንታ ታ ዓይላሢ ሃጊ ታኦኦ ዳካንዳኔ።

9 ሃኦዘፑዋቲ፤ ታኦኦ ለንካይ ዓአፒ ዓአ ፔቲ ሹቺ ዲያሱ ቤርታ ጌሣንዳኔ፤ ዬይ ዋዚ ጌይሢታቲያ ዒኢካ ታኦኦ ቆኦቂ ፃኦፓንዳኔ፤ ሃሮ ዓጮኮ ጎሞ ፔቲ ኬሊና ታኦኦ ሺኢሹ፡ ጌኤሻንዳኔ።

10 ዬሮ ኬሎና ዒንሢ ፔቲ ፔቲሢ ዋይሮና ቤሌሶ ሚዎና ዴማ ዴዒ ዒንሢኮ ዓሺሮ ዔኤሊ ሙይ ዑሽኪ ዑሽኪ ዋዛዳንዳኔ።» ጋዓኔ ቢያ ባኮ ዋይሣ ጎዳሢ።

4

ያኦሲ ዛካርያስም ፖዒ ጌሃ ሻርና ፔጋሲ ዳቋሢ

1 ታኦና ዋላ ጌሰታ ያኦሲ ከኢታንቻሢ ላሚ ጊንሣ ሙኪ ጊንዓፓ ጴቾሢጉዲ ታና ጴቼኔ፤

2 ዒዚ ዲማና፡- «ሃይ ኔኤም ጴዳ ባካ ዓይጌንዴዳይ?» ጌይ ታና ያኦጩኔ።

ታኦኦ ዒዛሞ ማሃዎ፡- «ለንካይ ፖዒ ጊዳ ፖዓያ ፔቲ ዋርቂ ሻርና ታ ዴንቃኔ፤ ዑይይዳ ጊንሣ ዛይቲ ያቲ ጌሢንቲ ዓአኔ፤ ለንካዎ ፖዎ ፖዓ ባኮንሢኮ ቢዎና ሻላ ዳኪንታንዳ ዒኢና ዓአኔ።

3:8 ዓ.ር. 23:5፤ 33:15፤ ዛካ. 6:12። 3:10 ሚኪ. 4:4።

3 ዬና ሻርኔሎኮ ኮይላ ላምዎ ዛይቲ ሪሚቲ ሚህ ሶቴሎኮ ሻውሎና ሚዛቆናይዳ ጴዳኔ» ጌዔኔ።

4 ታኣኒያ ታኣና ዋላ ጌስታ ያኦሲ ኪኢታንቻህ ኮይላ፡- «ታ ጎዳ! ሃይ ባካ ዓይጎኮ ኮኦኪንህ ማዒ ዳዋ ባኣዚዳዎ?» ጌይ ያኦጩኔ።

5 ዒዚ፡- «ሃይ ባካ ዓይጎታቲያ ኔኤኒ ዔሩዋዓዳ?» ጌዔኔ። ታኣኒ፡- «ዔይዔ፤ ታ ጎዳህዮ! ታ ዔሩዋሴ» ጌዔኔ።

6 ዜሬባቡሌም ታኣኒ ኬኤዛንዳጉዲ ያኦሲ ኪኢታንቻህ ታኣም ኬኤዜ፤ ቢያ ባኮ ዋይህ ጎዳህኮ ቃኣላ ሂዚ ጋዒያኩ፡- «ኔኤኒ ባሻንዳህ ታ ዓያናኩኔ፤ ዋለቄና ሃህ ዶዲምናቲዋሴ።

7 ኔ ቤርቶይዳ ዲካ ማዒ ዔቁ ዓኣ ዲቃህ ቢያ ሺኣካንዳኔ፤ ጌኤዦ ማኣር ጊንህ ኔኤኒ ማዦንዳኔ፤ ማኣር ሹጮና ኔኤኒ ማዦን ጋፒንፃ ኔኤኒ ጌህ ሹጮ ጌህኣና ዶራ፡- «ይዮቴ፤ ሃይ ዋዚ ሚዛጳዎ! ያኦሲ ሃያ ዓንጂንቲያ ማሆንጎ!» ጌይ ጌይ ዋዛዲ ዒላታንዳኔ።።»

8 ጊንህ ሃህ ናንጊና ናንጋ ጎዳ ታኣም ሂዚ ጌዔኔ፡-

9 «ዜሬባቡሌ ናኣታ ሃያ ጌኤዦ ማኣር ማዢዮር ቤርታጎ ሹጮ ጌህ ዓርቄኔ፤ ዔያታ ፔ ኩቻ ማዲ ኩኩርሳንዳኔ፤ ያዲ ማዓ ዋዶና ቢያ ባኮ ዋይህ ጎዳህ ታና ዒንህ ባንህ ዳኬያ ማዒያ ዒንህ ዔራጎዳኔ።

10 ማኣርኮ ፒዙም ሚፃ ዛጎ ዓንጎ ዜሬባቡሌ ኩጫ ዛጋዎ ዳካ ባኣዚ ማዲንቲ ኬሎ ቦሂ ቶኦቹ ዓህ ዋዛጳንዳኔ፤ ሃንህ ላንካዎ ፖዎንህ ናንጊና ናንጋ ጎዳህኮ ዓኣፖኬ፤ ዬይ ዓኣፓ ዓጮ ቢያ ማዔ ካራና ዛጋያኩ።።»

11 ታኣኒ ዒማና ጊንህ፡- «ሃንህ ፖዎ ጌህ ሻርኖኮ ሻውሎና ሚዛቆናይዳ ዓኣ ዛይቶ ሪሚቶ ሚዎንህ ዓይጎ ኮኦኪንህ ዳዋያዳዎ?»

12 ሪሚቶ ዛይታ ሹኦታ ላምዎ ዋርቆ ፂኢኖንህኮ ኮይላ ዓኣ ላምዎ ሪሚቶ ካኣፖንህሹ፤ ዓይጎ ኮኦኪንህ ዳዋያዳዎ?» ጌይ ያኦሲ ኪኢታንቻህ ያኦጩኔ።

13 ዒዚ፡- «ሃይ ባካ ዓይጎታቲያ ኔኤኒ ዔሩዋዓዳ?» ጌዔኔ፤ ታኣኒ፡- «ታ ጎዳህዮ! ታ ዔሩዋኣዋይ» ጌዔኔ።

14 ዒዚ ታኣም፡- «ሃኣታ ላምዓህ ካኣቱምዎ ያኦሲ ዔያቶ ዶኦሚያ፤ ሳዎ ቢያይዳ ናንጊና ናንጋ ጎዳ ማዒ ዓኣህም ዓይህንቲ ማዲ ዓሲኬ» ጌዔኔ።

4:3 ዮሃ. ያፔዳ 11:4። 4:6 ዒዝ. 5:2። 4:10 ዮሃ. ያፔዳ 5:6። 4:11 ዮሃ. ያፔዳ 11:4።

5

ዛካርያስም ያኦሲ ፔጋሲ ዳዌ ማሪንቴ ቢራኖ ማፃአፖ

1 ለሚ ታ ሃሣ ዛጋንቴ ፔቴ ማሪንቴ ማፃአፔ ዠባሬይዳ ዓኣዲያ ታኣኒ ዴንቄኔ፤

2 ያኦሲ ከኢታንቻሢ ታ ኮይላ፡- «ኔኤም ዓይጌ ጴዳይ?» ጌይ ያኦጩኔ፤ ታኣኒ ዒዛም፡- «የዶሱማ ለማታሚ ዋዳ፣ ዳልጉማ ታጾ ዋዳ ማዔ ፔቴ ማሪንቴ ቢራና ማፃአፔ ዠባሬይዳ ዓኣዲያ ታኣም ጴዳይ» ጌዔኔ።

3 ዒዚ ዒማና ታኣም፡- «ዬኖ ማሪንቴ ማፃአፔሎይዳ ሳዖ ቢያ ሄላንዳ ጋዳማ ፃኣፒንቴ ዓኣኔ፤ ዬኖ ማሪንቴ ማፃአፔሎኮ ፔቴ ዛሎይዳ፡- «ዉሲ ቢያ ዓጪፓ ባይቃንዳይ» ጋዓያከ፡- ባጎ ዛሎይዳ ሃሣ፡- «ሉቁ ጫእቁሞ ጫእቃ ዓሲ ቢያ ባይቃንዳይ» ጋዓኔ።

4 ቢያ ባኮ ዋይሣ ጎዳ፡- «ሃያ ጋዳሞ ታኣኒ ዳካንዳይ፤ ዬይ ጋዳማ ፔቴ ፔቴ ዉዘንታ ሉኡዙሞና ጫእቃ ዓሲንታ ማኣሪ ጌላንዳይ፤ ዬይ ዒኢካ ጌሊ ዴዒ ዔያቶኮ ማኣሪ ሙይ ሻሂ ባይዛንዳይ» ጋዓኔ» ጌይ ከኤዜኔ።

ያኦሲ ዛካርያስም ኮታ ጋርካ ዓኣ ላኣሊ ፔጋሲ ዳዌያ

5 ያኦሲ ከኢታንቻሢ ለሚ ታ ኮይላ ሙኪ፡- «ዓካሪ፣ ሙካንዳ ባካ ዓይጎታቴያ ኮሺ ዛጌ!» ጌዔኔ።

6 ታኣኒ፡- «ሃይ ዓይጎ ባኣዚዳይ?» ጌዔኔ። ዒዚ፡- «ሳዖ ቢያይዳ ማዲንታ ጎሞ ኮኦኪንሢ ዳዋ ኮታኬ» ጌዔኔ።

7 ኮቴሎኮ ካሮ ጉኡፓ ዒርሳሴ ጌይንታ ዓንጎና ኮሻናያከ፤ ታ ዛጋ ጎይሣ ዓኣንቴ ዬይ ካራ ቡለንቴኔ፤ ዬኖ ኮቴሎ ጋራ ፔቴ ላኣሊሰኬና ዴይ ዓኣኔ።

8 ያኦሲ ከኢታንቻሢ፡- «ሃና ላኣሌላ ዒኢቴ ማዶኮ ኮኦኪንሢ ማዓያከ» ጋዓዖ፡ ሊካ ዲምዒ ኮቶ ጋር ዒዞ ጌልዜኔ፤ ዬካፓ ጊንሃ ካሮ ዒዞ ፀፃ ዋዳኔ።

9 ሌካ ዴግ ጌይ ታ ዛጋንቴ ለምዖ ላኣሊ ዠባሬይዳ ባራኒ ታ ባንሢ ሙካያ ታ ዴንቄኔ፤ ዔያቶኮ ጋኣዛ ኮኦኬ ጋኣሲጉዲ ዶዲከ። ዔያታ ዬኖ ኮቴሎ ሳዓፓ ዔኪ ሌካ ጫሪንጮ ባራኒ ዴንዴኔ።

10 ታኣኒ ዒማና ታኣና ጌሰታ ያኦሲ ከኢታንቻሢ ኮይላ፡- «ዔያታ ኮቶ ዋኒ ዔኪ ዴንዳዖ?» ጌይ ያኦጩኔ።

11 ዒዚ፡- «ሰናዖሬ ዔኪ ዴንዳይ፤ ዔያታ ዒኢካ ማኣሪ ማዠ፣ ማኣሪ ማዠንቴ ጋፔሰካፓ ኮቴሎ ዒኢካ ጌሣንዳይ» ጌይ ታኣም ከኤዜኔ።

6

ጾሱ ዛካርያስም ፔጋሲ ዳዌ ያይዶ ሳርጌላ ያይታ

1 ማሌ ሃሣ ያይዶ ሳርጌላ ያይታ ላምፖ ሞኦና ዓንጊ ዲካ ባአካፓ ኬሰካያ ታና ጾሱ ፔጋሲ ዳዌኑ።

2 ቤርታሳ ሳርጌሎ ያይቲሎ ጎቻሢ ዘቄ ፓር ማዓዛ፣ ላምዓሳዘ ካርሢ ፓራ ጎቻኑ፤

3 ሃይሣሳዘ ጎቻሢ ቦኦሪ ፓርኬ፤ ያይዳሳዘ ያዳላ ፓራ ጎቻኑ፤ ቢያ ፓራሢ ዋልቄና ዓአያ ዶዲኬ።

4 ታኦኒ ዓማና ታኦና ዋላ ጌሰታ ጾሱ ከኢታጎቻሢ ኮይላ፡- «ታ ጎዳ! ሃይ ሳርጌሎ ያይታ ዓይጎ ኮኦከንሢ ዳዋያዳዎ?» ጌይ ጾኦጩኑ።

5 ዓዚ ታኦም፡- «ሃኦታ ያይዶ ዠባርኬ፤ ሳዎ ቢያኮ ናንጊና ናንጋ ጎዳሢ ቤርታ ዔቄ ዓይሢንቲ ማዳ ማዳፓ ሃሢ ዔያታ ሃጊ ኬሰኮ ኬሰካኔ» ጌዔኑ።

6 ካርፆ ፓራሢ ጎቻ ሳርጌሎ ያይታ ዓጮኮ ኬዴኖ ባንሢ፣ ቦኦሪ ፓራሢ ጎቻ ሳርጌሎ ያይታ ዓባ ጌላ ባንሢ፣ ያዳሎ ፓራሢ ጎቻ ሳርጌሎ ያይታ ዶኦሎ ዘሎ ዓጮ ባንሢ ዴንዳኑ።

7 ዋልቆና ዓአ ዬይ ፓራሢ ኬሰኪ ዴንዳኦና ሳዎ ሙሪ ዘጎር ኮሺ ሩኡራኔ፤ ጾሱ ከኢታጎቻሢ ዔያቶ፡- «ዴንዳዋቲ፤ ሳዎ ሙሪ ዘጎባቲ!» ጌይ ዓይሢኔ፤ ዬያር ዔያታ ዴንዲ ሳዎ ሙሪ ዘጌኑ።

8 ዩካፓ ጾሱ ከኢታጎቻሢ፡- «ዓጮኮ ኬዶ ዘሎ ዴንዴ ፓራሢ ናንጊና ናንጋ ጎዳሢኮ ዳጎ ሺሚሼኔ» ጌይ ታኦም ዒላቲ ኬኤዜኑ።

ዒያሱ ቶኦካ ዓጊንቲ ቦንቾ ባኮ

9 ናንጊና ናንጋ ጎዳ ታኦም ሂዚ ጌዔኑ፡-

10 «ሄልዳዬ፣ ያቢያንታ ዪዳዒያ ጌይንታ ማሌ ዓጮፓ ዳውሲንቲ ሙኬ ዓሳ ዒንጌ ቢሮ ዓንጎንታ ዋርቆንታ ዔኪ ሃሢ ኔጎዋዎ ሶፖኒያሴ ናኦዚ ዒዮሲያሴ ማእሪ ዴንዴ፤ ዬይ ዓሳ ቢያ ባብሎኔ ዲዒንቲ ዔውቲያ ማዔ ዓሶኪ፤

11 ዔያታ ዒንጌ ቢሮ ዓንጎና ዋርቆናፓ ዔኪ ካኦቶ ቶኦካ ዓሳ ቦንቾ ባኮ ጉኡሪ ማሢ ኮሺጋፓ ፔቲማ ቄኤሶ ሱኡጋሢ፣ ዒዮሴዴቄ ናኦዚ ዒያሱ ቶኦካ ዓጌ።

12 ቢያ ባኮ ዋይሣ ጎዳሢ ሂዚ ጋዓኔ ጌይ ዒዛም ኬኤዜ፡- «ካኦፓ ዓአ ቤዛ ዓአዎ ጋምፒንቲ ዴንዳንዳሢሮ ማሢ ካኦፒ ጌይ ሱንዎ

ገሥና ዓሣ ሃያኩ። ዓላ ቤዛ ዓላጾ ባቃሊ ዒ ዴኤፓንዳኔ፤ ያኦሲኮ ጌኤዠ ማኣሮ ጊንሣ ዒ ማዠንዳኔ፤

13 ጌኤዠ ማኣሮኮ ሱኡጌ ማዒ ዋይሣንዳሣ ዒ ዛከኔ፤ ካኣቱሞ ቦንቾ ዔኪ ካኣቶ ያይታ ዴዒ ዋይሣንዳኔ፤ ቁኤሴ ማዒያ ማዳይ ዓኣኔ፤ ላምዓሣ ዋላ ዔኤዒ ኮሹሞና ናንጋንዳኔ።።

14 ካኣቶ ቶኣካ ዓጎ ቦንቾ ባኮኮ ዓቱዞንሣ ጌኤዠ ማኣሮይዳ ሄሌሜ ጌይንታ ሄልዳዬ፣ ያቢያ፣ ዩዳዒያንታ ሶፖሊያሴ ናኣዚ ሄኔ ጌይንታ ዒኮሲያሴንታኮ ቦንቾ ጳቂሣያ ማዒ ዒኣኣ ጌሣንታንዳኔ።።»

15 ዬዮ ዋዶና ሃኬ ዓጮይዳ ናንጋ ዓጎ ናንጊና ናንጋ ጎዳኮ ጌኤዠ ማኣሮ ዓካሲ ማዠሞኣና ማኣዳኒ ሙካንዳኔ። ዬይ ጌኤዠ ማኣራ ዓካዲ ማዠንታዛ ቢያ ባኮ ዋይሣ ጎዳሣ ታና ዒንሣ ኮይላ ዳኬሣ ዒንሣ ዔራንዳኔ። ዬይ ቢያ ያዲ ማዒ ኮሚንዳሣ ናንጊና ናንጋ ጎዳ ማዒ ዒንሣኮ ያኣዛሣ ማዒ ጉቤ ዒናፓ ዓይሣንታያ ማዒ ቶኬ።

7

ጊዜ ማዒባኣ ጎይሣና ሙኡዚ ሃሺ ሺኢጲያ ያኦሲ ኮዑሞያ ማዒያ

1 ዳኣሪዮሴ ፓርሴ ዓጮይዳ ካኣታዴንቱ ያይዳጎ ሌዖና ኪሰለሞ ጌይንታ ታዞጳጎ ዓጊና ጌኤሬንቱ ያይዳጎ ኬሎና ናንጊና ናንጋ ጎዳ ዛካርያሴም ሂዚ ጌይ ኬኤዜኔ፡-

2 ቤኤቱኤሌይዳ ናንጋ ዓጎ ጎርዔጌሬንታ ሬጌሜሌኬንታ ዔያቶና ዋላ ዓኣ ዓሰሞ ናንጊና ናንጋ ጎዳኮ ጌኤዠ ማኣራ ዳኬኔ፤ ዬይ ዓጎ ዳኪንቱሣ ናንጊና ናንጋ ጎዳ ዓንጆ ሎፓ ኬይሳንዳጉዲ ሺኢቆም፤ ጊንሣ ሃሣ፡

3 ቢያ ባኮ ዋይሣ ጎዳኮ ጌኤዠ ማኣሮይዳ ዓኣ ቁኤሶና ያኦሲ ማሊያ ኬኤዛ ዓሶ፡- «ሃይማ ሄላንዳኣና ሚርጌ ለዔ ኑ ማዲ ናንጌ ጎይያ ዶንጋጎ ዶንጋጎ ዓጊናና ሙኡዚ ሃሺ ሺኢጲሣና ጌኤዠ ማኣሮኮ ሻሂንቲያሮ ሲዬ ኑ ዓርቆም?» ጌይ ያኣጫንዳጉዲኬ።።

4 ዬካፓ ናንጊና ናንጋ ጎዳ ታኣም ሂዚ ጋዓ ቃኣላ ኬኤዜኔ፤

5 ሃዮ ዓጮይዳ ናንጋ ዴሮ ቢያሣና ቁኤሶናም ሂዚ ጌዔ፡- «ሃያኮ ቤርታ ላንካይታሚ ለዔ ቢያ ዶንጋጎ ዓጊናና ላንካጎ ዓጊናናይዳ ሙያ ዒንሣ ሃሹሣንታ ሲዬ ሲዩያንታ ታና ቦንቻኒዳ?

6 ዒንሣ ሙያ ሙሞ ዋዶና፣ ሃሣ ዑኩ ዑሸካ ዋዶና ዒንሣ ሙይ ዑሸኬሣ ዒንሣ ቶኣኮምቱሞዳ?»

6:12 ዓ.ር. 23:5፤ 33:15፤ ዛካ. 3:8።

7 ዩሩሳሌም ዓጩ ያርጎጪ፣ ጊንሣ ሃሣ ዳሬያ ዲቢ ኩሜ ዎድና፤ ዬያጉዲ ካታሞኮ ኮይሎይዳ ዓኣ ጉርዶይዳ ሌሊቱዋንቴ ዓጮኮ ደኣሎ ዛሎና ዓባ ጌላ ባንያናይዳ ዓኣ ጌሚሮ ዳማ ሚርጌ ዳሬ ናንጋ ዎድና ናንጊና ናንጋ ጎዳ ፔ ማሊያ ኬኤዛ ዓሶ ዛሎና ኬኤዜ ቃኣላ ዒማ ሃይማኩ።

ዎይዚ ዒዲፃ ዲዒንቲ ሜሌ ዓጪ ዓኣዲያኮ ካራ ማዔሢ

8 ናንጊና ናንጋ ጎዳ ዛካሪያሴም ሂዚ ጌይ ኬኤዜ፡-

9 «ታኣኒ፣ ቢያ ባኮ ዎይሣ ጎዳሢ ታ ደርሞ ዓይሢ ዓይሢፃ ያዲኬ፤ ፒዜ ዎጌ ዎጉዋቴ፤ ዎሊም ሴካና ሃንጋና ዓቶም ጌይሢና ሚጪንቲሢና ናንጉዋቴ፤

10 ዒንሢ ባኣካ ናንጋ ዜኤሮ ዒንዶንሢ፣ ዜኤሮ ናኣቶ፣ ሜሌ ዓጪፓ ሙኪ ናንጋ ዓሶንታ ሜታዴ ዓሶንታ ሄርቁ ካራ ባይዚፖቴ፤ ፔቴይ ባጋሢም ጌኔ ማዶ ማዳኒ ማሊፖቴ።»

11 «ዔያታ ጋዓንቴ ዎይዙ ዒዲ ሴካ ሺሬኔ፤ ዎይዛዓ ጌይ ፔኤኮ ዎየዎ ዓርቁኔ።»

12 ዒኖ ፔኤኮ ዔያታ ሹቹጉዲ ዶዲሼኔ፤ ሃያኮ ቤርታ ታ ማሊያ ኬኤዛ ዓሶ ዛሎና ታኣኒ፣ ቢያ ባኮ ዎይሣ ጎዳ ታ ዓያኖና ኬኤዜ ዎጎ ቢያ ዎይዙዎ ዔያታ ማዔኔ፤ ዬያሮ ታኣኒ፣ ቢያ ባኮ ዎይሣ ጎዳሢ ዔያቶይዳ ሚርጌና ዳጋዴኔ።

13 ታኣኒ ኬኤዛዛ ዔያታ፡- ሉ ዎይዛዓ ጌዔሢሮ፣ ታኣኒያ ዔያታ ታና ሺኢቃኣና ዔያቶም ዎይዛዓኬ ጋዓኔ ቢያ ባኮ ዎይሣ ጎዳሢ።

14 ዓልጎ ዠባሬጉዲ ፒዲ ታኣኒ ዔያቶ ዔኪ ዔያታ ዔሩዋ፣ ፃንጎ ማዔ ዓጪዳ ዔያቶ ናንጊሼኔ፤ ሃና ኮዠ ሳዔላ ዒማና ዓይጎ ዓሲያ ናንጉዎያ ጉሪ ሳዓ ማዒ ዓቴኔ፤ ዬና ሚዛጶ ሳዔላኣ ጉሪ ዔዌ ቤሲ ማዒ ዓቴኔ።»

8

ናንጊና ናንጋ ጎዳ ዩሩሳሌም ጊንሣ ዓንጃኒ ጫኣቁ ጫኣቁም

1 ቢያ ባኮ ዎይሣ ጎዳሢ ታኣም ሂዚ ጌዒ ኬኤዜ፡-

2 «ዒኣካ ናንጋ ዳሮ ዒናፓ ታኣኒ ናሽካሢሮ ዩሩሳሌም ታኣኒ ማኣዳኒ ኮዓኔ፤ ዒዛኮ ሞርኮ 0-ፃ ዳጋና ታ ዔቃንዳጉዲ ማሄሢ ታኣኮ ዬያ፣ ዒዛ ታኣሮ ሌሊ ማዓንዳጉዲ ኮዒ ዒናፓ ናሽካ ታ ዒኖ ናሹሞኬ።»

3 ታኣኒ ዒኣካ ናንጋንዳጉዲ ታኣም ደማዴ፣ ታ ካታሞ፣ ዩሩሳሌም ባንሢ ታኣኒ ጊንሣ ማዓንዳኔ፤ ጉሙርቁንታ ካታማ ማዒ ዒዛ

ዔርታንዳኔ፤ ታኦኒ፡ ቢያ ባኮ ዎይሣ ጎዳሢ ናንጋ ደካ፡ ያኦሲም ደማዕ ደካ ጌይ ሱንሣ ጌታንዳኔ፤

4 ዒኢካ ናንጋ ዓሳ ሚርጌ ሌዔ ናንጋያ ማዓንዳሢሮ ጋርቹ ባሺንቲ ዓሳ ኮኦኖና ሃንቲ ሃንቲ ዩሩሳላሚይዳ ዓሳ ቡካ ቤዛ ሙኪ ዴዓንዳኔ፤

5 ካታሞኮ ሳዘይዳ ዓኣ ዳልጎ ዳልጎ ጎይፃ ቢያ ዓማሊ ዓማላ ዓቲንቄና ዉዱሮና ኩሚ ዓኣያ ጊንሣ ማዓንዳኔ።

6 «ዩይ ያዲ ማዓ ዎዶና ዴርፓ ፒኢጫዲ ዓቲ ዓኣ ዓሶም ዩይ ዳንዳዒንቲዎ ባኣዚ ማሊ ጴዴቴያ ታኣም ዳንዳዒንቲዎያ ማዒ ዴኤፃ ባኣዚ ዓኣኖ?

7 ታኦኒ ታኦኮ ዳውሲንቲ ዴንዲ ዓጮኮ ዓባ ኬሰካ ባንፆና ጌላ ባንፆናይዳ ናንጋ ዴር ማኣዲ ዓውሳንዳኔ፤

8 ጊንሣ ታ ዔያቶ ማሂ ዔኪ ሙኪ ዩሩሳላሚይዳ ናንጊሻንዳኔ፤ ዔያታ ታ ዴሬ ማዓንዳኔ፤ ታኦኒያ ጎኑሞና ፂሉሞና ዒኢካ ዔኪ ሙኪ ዔያቶኮ ያኦሲ ማዓንዳኔ።

9 «ቢያ ባኮ ዎይሣ ጎዳሢኮ ጌኤዦ ማኣሮ ጊንሣ ማዣኒ ዓይፆ ሹጫ ደቁንቲያና ዒኢካ ዓኣ ታ ማሊያ ኬኤዛ ዓሳ ዒንሣሚም ኬኤዜ ባኮ ዎይዜ ዓሳ፡ ዒንሣ ደዱዎቲ ዒጊጨፖቲ!

10 ዩያኮ ቤርታ ዓሲ ማዲ ላቤሢኮ ጨጎ ባኣዚንታ ቆልማ ማኣዳ ማኣዲያኮዎ ቆልሞ ዓዶንሣሚም ዒንጎ ባኣዚ ባኣያኬ፤ ዓሲ ቢያ ፔ ዓሺኖ ዒፂ ሞርኬ ማዓንዳጉዲ ታኦኒ ማሂሢሮ ዓይጎ ዓሲያ ማፆም ኮሺና ኬሰኪ ጌሉዎሴ።

11 ሃሢ ጋዓንቲ ዩያ ዴርፓ ፒኢጫዲ ዓቲ ዓሶ ዑፃ ቤርታ ታኦኒ ማዕ ጎይፆ ማዳዓኬ።

12 ሃኣኮ ዔያታ ፔኤኮ ኮሺና ዜርቁ፡ ዩይ ካፃዛ ዔኪ ኮና ዎሃንዳኔ፤ ዎይናኣ ዔያቶኮ ቃራ ዓኣፒ ዓኣፓንዳኔ፤ ሳፆ ሚሻ ዒርዚያ ዎርቃንዳሢሮ ሳዓ ሚርጌ ሃኣኮ ካፂሳንዳኔ፤ ዩያ ፒኢጫዲ ዓቲ ዴርም ዩያ ዓንጀ ቢያ ታኦኒ ዒንጋንዳኔ።

13 ሜሌ ዴራ ጋዳንቁንቲ ዓሲ ማሂ ዛጋ፡ ዪሁዳንታ ዒሰራዔኤሌ ዴሬዮቲ! ታኦኒ ዒንሣ ማኣዲ ዓውሳንዳኔ፤ ሜሌ ዓሶም ዓንጀኮ ካራ ዒንሣ ማዓንዳኔ፤ ዩያሮ ዒጊጨፖቲ! ደዱዎቲ።»

14 «ዩያ ጌዔሢ ታና ቢያ ባኮ ዎይሣ ጎዳኬ፤ ዒንሣኮ ቤርታኣ ዓዶንሣ ታና ዳጋሴያና ቲኢሩዎኣፃ ሜቶ ታ ዔያቶይዳ ዓጋኒ ማሊ ቲኬ።

15 ዩሩሳላሚና ዪሁዳ ዴርናም ኮሺ ባኣዚ ማዳኒ ማሊ ቲኪ ታ ዔቁሢሮ ደዱዎቲ፡ ዒጊጨፖቲ።

16 ዲንሢ ማዳኒ ኮይሳ ባካ ዓይጎዳይ ጌዔቴ፡- ሴካና ሃንጋና ዋላ ጎኔ ባኣዚ ጌስቱዋቴ፤ ዲንሢ ዋጎ ዋጋ ቤዘይዳ ኮሹሞ ዓኣያ ማዳንዳጉዲ ፒዜ ዋጌ ዋጉዋቴ።

17 ፔቴይ ባገሢሞ ጌኔ ማዶ ማዳኒ ፑርታ ማለሢ ማሎፓ፤ ሉኡዙሞ ጫኣቁሞ ጫኣቁፖቴ፤ ታኣኒ ዬያጉዳ ባኮ ቢያ ዒዒፃኔ» ጋዓኔ፥ ናንጊና ናንጋ ጎዳሢ።

18 ቢያ ባኮ ዋይሢ ጎዳሢ ታኣሞ ሂዚ ጌዔኔ፡-

19 «ፆይዳሳ ዓጊኖና፥ ዶንጋሶና፥ ለንካሶንታ ታዳሳ ዓጊኖንታይዳ ዲንሢ ካፒ ካፒ ሙዖ ሃሻ ኬላ ቢያ ዪሁዳ ዴሮሞ ኮሺ፤ ሃሣ ዋዛ ቦንቾ ኬሊ ማዳንዳኔ። ዲንሢ ጋዓንቴ ጎኔ ባኣዚና ኮሹሞና ኮዑዋቴ።»

20 ቢያ ባኮ ዋይሢ ጎዳሢ ሂዚ ጋዓኔ፡- «ሜሌ ዴሮንታ ሚርጌ ዲቦ ካታሞይዳ ናንጋ ዴራ ዬሩሳላሜ ባንሢ ዋኣሢጉዲ ጎዓንዳ ዋዶ ዬዓንዳኔ።

21 ፔቴ ካታሞይዳ ናንጋ ዓሳ ሜሌ ካታሞይዳ ናንጋ ዓሶ ኮይላ ዴንዲ፡- <ሃኒ ዬውዋቴ! ቢያ ባኮ ዋይሢ ጎዳሢ ኮሺ ባኣዚ ኑሞ ማዳንዳጉዲ ኑ ዒዛ ሺኢቆሞ፤ ኑኡኒያ ሃሢ ዒኢካ ዓኣዲፆይዳኬ!> ጋዓንዳኔ።

22 ዬያይዲ ቢያ ባኮ ዋይሢ ጎዳሢሞ ዚጋኒና ዒዛፓ ዓንጀዋ ዔካኒ ሺኢጲሢሮ ሚርጌ ዓሰንታ ዋልቁና ዓኣ ዲቢ ዴሬያ ዬሩሳላሜ ሙካንዳኔ።

23 ዬንሢ ኬሎንሢዳ ሜሌ ዓጪ ዓሲ ታጾ ፔቴ ዓይሁዴ ዓሲኮ ማኣዓሢ ጎቹ ዓርቁ፡- <ፆኦሲ ዲንሢና ዋላታሢ ኑኡኒ ዋይዜሢሮ ሃዳራ ዲንሢና ኑ ዴንዶሞ> ጋዓንዳኔ።»

9

ዒሰራዔኤሌኮ ዓሺኖ ማዔ ሞርኮይዳ ፆኦሲ ዓጋኒ ጊኢጌ ማቶ

1 ናንጊና ናንጋ ጎዳ ሃድራኬ ዓጮና ዴማሰቆ ካታሞናይዳ ማቶ ዓጋንዳኔ፤ ዒሰራዔኤሌ ፆጾ ሌሊቱዋንቴ ሶኦሪያኮ ዴኤፖ ካታማኣ ናንጊና ናንጋ ጎዳሞ ማዳንዳኔ።

2 ዬይ ማታ ሃድራኬ ዓጮ ኮይላ ዓኣ ሃማቴና ሚርጌ ዔራቶ ዓኣ ዪርሴና ሲዶና ካታሞይዳ ኬዳንዳኔ።

3 ዪርሴ ፔና ካፓኒ፥ ዴይ ካፖ ዴጌ ቤሲ ዋርዲያ ማሂ ኮሺኔ፤ ሚርጌማ ዓጪጉዴ ሹቹ ቢራንታ ዋርቁንታኣ ቡኩሴኔ።

8:16 ዓፕ. 4:25። 9:1 ዒሲ. 17:1-3፤ ዓር. 49:23-27፤ ዓዋ. 1:3-5።

4 ጋዓንቴ ዒዛ ዬያ ቡኩሴ ባኮ ናንገና ናንጋ ጎዳ ዒዛፓ ዔካንዳኔ፤ ባዘይዳ ዓአ ዒዛኮ ዋልቆ ማዔ ባኮ ዒኢካ ዴኡኪ ዒ ባይዛንዳኔ፤ ካታሚላ ታሚና ሚቺንቲ ዲቢንሢ ማዓንዳኔ።

5 ዓሰቄሎና ካታማ ዬያ ዛጋፆ ዲቃቲ ዒጊጫንዳኔ፤ ጋአዛ ካታማአ ዬያ ዛጋፆ ዋኦቶንዶ ካራ ባይዛንዳኔ፤ ዔቆሮኔያ ዬያጉዲ ሃጋአ ዋዛ ባኢያ ማዓንዳኔ፤ ጋአዛ ካታማአ ካኣቲ ባኢያ ማዓንዳኔ፤ ዓሰቄሎና ካታማ ዓሲ ናንጉዋ ጉሪ ቤሲ ማዒ ዓታንዳኔ።

6 ዔሸዶዴይዳ ሲኢሪንቴ ዴሬ ናንጋንዳኔ፤ ናንገና ናንጋ ጎዳ ሂዚ ጋዓኔ፡- «ሃኣቶ፡ ፆቶርቃ ፒሊሰጻኤሜ ዓሶ ታኣኒ ዳውሲሳንዳኔ፤

7 ሱጉሢ ጊዳ ዓአ ዓአዔ ዓሸኮ፡ ጊንሣ ሃሣ ዳሞቦ ጎይያና ሙይንቴዋጉዲ ላኣጊንቴ ሙዖ ዔያቶ ዳንጋፓ ታኣኒ ኬሲሳንዳኔ፤ ዔያቶፓ ፒኢጫዲ ዓቲ ዓሳ ታ ዓሶና ዋላ ሲኢሪንቴ ዪሁዳ ፃጰይዳ ፔቴ ቶኦኪ ማዓንዳኔ፤ ዔቆሮኔ ዴራ ዓዳ ዒያቡሳ ዓሶጉዲ ዴርና ዋላ ሲኢሪንጎንዳኔ።

8 ዬካፓ ታ ዓጮኮ ዓጮ ታኣኒ ዋርዲ ዔቂ ካፓንዳኔ፤ ዓጮ ዋልቄና ጌሊ ዓርቃ ዋልቆ ዓሳ ዒኢና ዴንዲዋጉዲ ታኣኒ ላኣጋንዳኔ። ታኣኮ ዴራ ዋማዲ ዋኦቴያ ታኣኒ ዛጌሢር ሃይካፓ ሴካ ዋልቆና ሄርቂ ዋይሣ ዓሳ ዔያቶ ዋልቄና ጌሊ ዓርቃዓኬ።»

ሃጊ ሙካኒ ዓአ ጃዮኔ ካኣታሢ

9 ጃዮኔ፡ ዋዛዴ!

ዬሩሳላሜ፡ ዋዛና ዒሊሺ!

ሃይሹ፡ ኔኤኮ ካኣቲ ኮሹሞና ሹሌዔ ማዒ

ሃራሎ ዑፃ፡ ጌይፃ ሃር ናፆ ዑፃ ዴይ

ዋልቄና ባሻያ ማዒ ኔ ባንሢ ሙካኔ።

10 ናንገና ናንጋ ጎዳ ሂዚ ጋዓኔ፡-

«ታኣኒ ሳርጌሎ ፆይቶ ዒሰራዔኤሌፓ

ፆሎ ፓራሢያ ዬሩሳላሜፓ ዔኪ ሺኢሻንዳኔ፤

ፆሎ ፆላ ሂኢዠዋ ታኣኒ ሜንሣንዳኔ፤

ኔኤኮ ካኣቲ ሜሌ ዴር ባኣካ ዴይ

ኮሹሞ ሳፆይዳ ዔኪ ዬዓንዳኔ፤

ዒ ዋይሣ ዓጮኮ ዛጳ ባዛፓ ዴንዲ ሜሌ ባዘ ሄላንዳኣና

ዔፕራጂሴ ዋራፓ ዓርቃፆ ዴንዲ

ዓጮኮ ጋፒንፆ ሄላያ ማዓንዳኔ።»

9:4 ዒሲ. 23:1-18፤ ሂዚ. 26:1—28:26፤ ዒዩ. 3:4-8፤ ዓሞ. 1:9-10፤ ማቲ. 11:21-22፤ ሉቃ. 10:13-14። 9:5 ዒሲ. 14:29-31፤ ዔር. 47:1-7፤ ሂዚ. 25:15-17፤ ዒዩ. 3:4-8፤ ዓሞ. 1:6-8፤ ሰፖ. 2:4-7። 9:9 ማቲ. 21:5፤ ዮሃ. 12:15። 9:10 ዓይኦ. 72:8።

- ናንገና ናንጋ ጎዳኮ ዳራ ዲዲንቲ ዳንዴ ዓጫፓ ማዓንዳሢ
- 11 «ዲንጎ ባአዚ ማዒ ዲንገንቲ ሱጉሢና ታ ኔኤም ጫአቁሢሮ
 ዋአፃባአ ጉሮ ዔታ ኔኤኮ ቱኡቲ ዓአ ዓሶ ታአኒ ኬሳንዳኔ።»
- 12 ዲንሢ፣ ሃጋአ ዋዛ ዳንቁ፣ ቱኡዞ ዓሳ!
 ታአኒ ቤርታ ዲንሢኮ ዓአሢፓ ጳንጨፍ ማሂ ሃኖ ዲንሢም
 ዲንጋንዳሢሮ
 ዲኢካ ዳዒ ካታሞ ዲንሢኮ ካፖ ዳጌ ቤዞ ባንሢ ማዑሞቲ።»
- 13 ዪሁዳ ታአኒ ሂኢሺ ጎይሢ
 ዲሰራዔኤሌ ገንሣ ሃሣ ዓአዛ ማሂ ዔያቶና ያላንዳኔ፤
 ገሪኬ ዓጮ ዓቲንቆ ያላኒ
 ጃዮኔፓ ዓቲንቆ ናአቶ ጨንቻ ዓራፖ ማሂ ታአኒ ዳካንዳኔ።»
- 14 ናንገና ናንጋ ጎዳ ዳሮ ዑፃ ማዒ ፔጋዲ ጴዳንዳኔ፤
 ዲዛኮ ዓአዛ ዜኤሊንሢጉዲ ፖዒ ዳንዳያ ማዓንዳኔ፤
 ናንገና ናንጋ ጎዳ ማዒ ያኦዛሢ ዛዬ ዋርቃንዳኔ፤
 ዓጮኮ ደኦሎ ዛላፓ ቱሮ ሙካ ዓልጎ ዠባሬጉዲ ዠባርሺ
 ዳንዳንዳኔ።»
- 15 ቢያ ባኮ ዎይሢ ጎዳሢ ፔ ዳሮ ዛሎ ያልታንዳኔ፤
 ዲዛኮ ዳራ ፔ ሞርኮ ዎዲ ባይዛንዳኔ፤
 ሞርኮኮ ዎሮ ሹዎ ቶኪና ሄርቃንዳኔ፤
 ዔያታ ያሎይዳ ማሢንቲ ዓሲ ጎይሢ ሚርታንዳኔ፤
 ዔያቶ ሞርኮኮ ሱጉፃ ያኦሲም ዲንጋኒ ሳኦይዳ ኩንሢ ዔከ
 ዬይ
 ዲንጎ ባኮ ዲንጎ ቤዞይዳ ዋሂንታ ሱጉሢጉዲ ሸኦታንዳኔ።»
- 16 ዬና ኬላ ሄላአና ቆልሞ ሄንቃሢ ቆልሞ ፔኤኮ ሙዓ ቦያይዳፓ
 ዓውሳሢጉዲ
 ናንገና ናንጋ ጎዳ ማዒ ዔያቶኮ ያኦዛሢ ፔ ዳሮ ዓውሳንዳኔ።
 ቦንቾሮ ቶኦካ ዓጎ ባኮይዳ ጳርቂ ኮሸና ዓንጋ ፖዓሢጉዲ
 ዔያታ ፔኤኮ ናንገና ናንጋ ጎዳሢኮ ዓጮይዳ ፖዓያ
 ማዓንዳኔ።»
- 17 ዓጮሎኮ ኮሹሞና ሚዛጲሞና ዎዚ ሄርሺሳያ ማዓንዳይ!
 ዲኢካ ዓአያ ማዓንዳ ሃኦኮንታ ዎይኖ ዑኸንታ
 ዓቲንቆንታ ዉዲሮ ዳጌሢንታኮ ዑያ ሚዛጲሳያ ማዓንዳኔ።»

9:11 ኬሲ. ማፃ 24:8።

10

ናንገና ናንጋ ጎዳ ዴሮ ዓውሳኒ ማሌ ማሊዎ

1 ናንገና ናንጋ ጎዳ ዲንሢሞ ሃቻቡሮ ዒርዚ ዋርቁሳንዳጉዲ ዒዛ ሸኢቁዋቱ፤ ዒርዚና ዓኣ ሻኣሬ ዳካሢ ናንገና ናንጋ ጎዳኬ፤ ዒርዚንታ ዲማ ዲማ ባቃላ ባኮዋ ባቃልሳሢ ዲንጋሢ ዒዛኬ።

2 ሜሌ ያኣዛ ፓሡዋ ባኣዚ ኬኤዛኬ፤ ዠዋኣ ሉኡዙሞ ባኣዚ ዴንቄኔ ጌይ ኬኤዛኬ፤ ማቂሢ ዓውቲያ ዓውታዴኔ ጌይ ጌሰታኔ፤ ዔያታ ዓሶኮ ዒኖ ዶዲሻሢያ ጉሪ ማዔ ባኣዚናኬ፤ ዬያሮ ዴራ ሄንቃ ዓሲባኣ ማራይጉዲ ዣኣሊ ካራ ባይዜኔ።

3 ናንገና ናንጋ ጎዳ ሂዚ ጋዓኔ፡- «ታኣኮ ዴኤፖ ዳጋ ታ ዴሮ ሄንቃ ሱኡጎ ታሚጉዲ ሙዓንዳኔ፤ ታኣኒ፡ ቢያ ባኮ ዋይሢ ጎዳሢ ታ ቆልሞ ማዔ ዪሁዳ ዴሮ ዓውሳኒ ኮዓሢሮ ዔያቶኮ ሱኡጎይዳ ሜቶ ታኣኒ ዓጋንዳኔ፤ ዪሁዳ ዴሮ ያሊ ባሼ ዶዲ ፓሮ ታኣኮ ታ ማሃንዳኔ።

4 ዪሁዳ ዴሮ ባኣካፓ ሹዋና ማዠ ማኣራ ዋላ ካኣማ ካራ ጌሢ ሹጮጉዴ፤ ዓፒሎና ማዠ ማኣሮ ዶቆ ዓንጎጉዴ፤ ያልዚ ያሎ ሂኢሺጉዴ ሱኡጌንታ ያሎ ዓሶ ዓይሢ ቢቲያ ኬሰካንዳኔ።

5 ዪሁዳ ዴሮ ፔኤኮ ሞርኮ ጎይሢ ደቃሌጉዲ ሄርቁ ዳኣፃ፤ ዶዲ ያልዚ ዓሲ ማዓንዳኔ፤ ናንገና ናንጋ ጎዳኣ ዔያቶና ዋላታሢሮ ዔያታ ዶዲ ያሊ፤ ፓራሢና ያልታ ዋልቆና ዓኣ ዓሶ ባሻንዳኔ።»

6 «ታኣኒ ዪሁዳ ዴሮ ያልዚ ያላ ዶዲ ዓሲ ማሃንዳኔ፤

ዮሴፔ ማኣሮዋ ታኣኒ ዓውሳንዳኔ፤

ታኣኒ ዔያቶ ሚጩንቲ ቲኢራንዳሢሮ ቢያሢ ፔ ዓጮ ዓጮ ታ ማሃንዳኔ፤

ሃያኮ ቤርታ ፔቲታዖ ታ ዔያቶ ኬኤሪ ቤቂባኣያ ዔያታ ማዓንዳኔ፤

ታኣኒ ናንገና ናንጋ ጎዳ ዔያቶኮ ያኣሲ ማዓሢሮ

ሸኢጲዖ ታ ዔያቶኮ ዋይዛንዳኔ።

7 ዔፕሬኤሜ ዴራ ያልዚ ያላ ዶዲ ዓሲ ማዓንዳኔ፤

ዋይኔ ዑሺ ዑሽኬ ዓሲጉዲያኣ ዔያታ ዋዛዳያ ማዓንዳኔ፤

ዔያቶኮ ናኣታኣ ዬያ ባሺዖ ጳቂሢ ጳቂሢ ዋዛዳንዳኔ፤

ናንገና ናንጋ ጎዳሢ ማዴ ባኮሮዋ ዔያታ ዋዛዳንዳኔ።»

8 «ታ ዴሮ ታኣኒ ታ ባንሢ ዉቲ ዔኤሊ

ፔቲይዳ ቡኩሳንዳኔ፤ ታ ዔያቶ ዓውሳንዳኔ፤

ሃያኮ ቤርታ ዔያታ ዓኣ ጎይዖ ፓይዶ ታ ዔያቶኮ ሚርገሻንዳኔ።

9 ሜሌ ዴሮ ባኣካ ታኣኒ ዔያቶ ዜርቄያ ማዔቲያ

ዔያታ ናንጋ ሃኬ ዓጮይዳ ዓኣዖ ታና ጳቂሣንዳኔ፤
ዔያቶንታ ዔያቶኮ ናኣቶንታ ሹምፔና ዓኣዖ ማዒ ፔ ዓጮ
ማዓንዳኔ።

10 ጊብፂ ዓጫፓ ታ ዔያቶ ማሂ ዔከ ዩዓንዳኔ፤
ዓሶኦሬፓኣ ዔከ ዩይ ታ ዔያቶ ቡኩሳንዳኔ፤
ሳዓ ኩሚም ቤሲ ዔያቶኮ ባይቃንዳሂር
ጌሌዓዴንታ ሊባኖኦስ ዓጮንታይዳኣ ታ ዔያቶ ዴይሣንዳኔ።

11 ጴኤፖ ሜቶ ባዘ ባኣኪና ዔያታ ዴንዳኣና
ታኣኒ፥ ናንጊና ናንጋ ጎዳ ዒኣካ ዔቃ ባዘ ጉዳሂ ጎሬ
ዘቲዳንዳኔ፤
ዔታጴ ቁልባይዳ ዴዒ ዓኣ ዓባዬ ዎር ዋኣፃኣ ሚጫንዳኔ፤

ዖቶሬላ ዓሶኦሬ ዳውሲንታንዳኔ፤
ጊብፂያ ካኣታቲ ዎይሣ ዎይሣፃፓ ኬዳንዳኔ።

12 ታኣኒ፥ ናንጊና ናንጋ ዔያቶኮ ጎዳሂ ዔያቶ ዶዲሻንዳኔ፤
ታ ሱንዖና ዔያታ ዖቶርቃንዳኔ።»

ዬያ ጌዔሂ ታና፥ ናንጊና ናንጋ ጎዳኬ።

11

ዒሰራዔኤሌ ዓሶኮ ሞርካ ሜቶይዳ ኬዴሂ

1 ሊባኖኦስ!
ኔኤኮ ዴኤሎ ዘቢቆ ሚፆ ታሚ ሙዓንዳጉዲ
ካሮ ቡሊ ሃሼ!

2 ሊባኖኦስይዳ ዓኣ ሚፆ ዶዔሂር ዒንሂ ዘቢቆ ሚፆ፡-
«ኑና ዎኦ!» ጌይ ቃዩዋቲ፤
ዒጊቻያ ማዔ ጴኤፖ ሚፆ ቢያ ባይቄኔ፤
ዲም ጌዔ ዴኤሎ ካያ ቲቂንቲ ጋፔሂር ዒንሂ ባኣሳኔ ሻኣቢዮቲ፡-
«ኑና ዎኦ!» ጌይ ጌይ ዒንሂና ቃዩዋቲ።

3 ቆልሞ ሄንቃ ዓሶኮ ቆልሞ ሄንቆ ኮዦ ቤዛ ዱጊንቲ ባይቄሂር
«ኑና ዎኦ!» ጌይ ጌይ ቃያያ ዎይዚንቲ፤
ዮርዳኖስ ዎር ዓጫ ዓኣ
ዔያቶኮ ናንጊ ቤሲ ማዔ ዴኤላ ጲሺንቲ ኩዴሂር
ዘባ ዖዪ ጉዳያ ዎይዚንቲ።

ቆልሞ ሄንቃ ላምፆ ዓሲ

4 ናንጊና ናንጋ ጎዳ ማዔ ታ ዖኣዛሂ ታኣም ሂዚ ጌዔኔ፡-
«ሹኪንታኒ ጊኣጊንቲ ማራቶ ሄንቃኒ ኬሴ።

5 ይህን ማራቶ ሻንቄ ዓሳ ሹካንዳኔ፡ ጋዓንቴ ይያ ሹኬ ዓሶ ማታ ሄላዓኬ፤ ዔያቶ ሻንቄ ዓሳኣ ሩንገና ሩንጋ ጎዳሢ ጋላቴንቶም! ኑ ያርጎጩኑ» ጋዓንዳኔ፤ ሄንቃ ዓሳኣ ዔያቶ ሚጪንታዓኬ።»

6 ሩንገና ሩንጋ ጎዳሢ ሂዚ ጋዓኔ፡- «ታኢያ ሃካፓ ሴካ ሳያይዳ ሩንጋ ዓይጎ ዓሲማኣ ማዎም ሚጪንታዓኬ፤ ታኢ ታ ቶኦኪና ፔቴ ፔቴ ዓሶ ፔ ዓሺናሢም፡ ሃሣ ካኣቲ ማዒ ዎይሣሢ ኩጫ ዓኣሢ ዒንጋንዳኔ፤ ይያታ ዓሺኖንታ ካኣቶንታ ይያ ሳዎ ባይዛንዳኔ፤ ታኢ ይያቶ ኩጫፓ ይኖ ዓሶ ዓውሳዓኬ።»

7 ይያር ሹካኒ ደማሶና ማራቶ፤ ባሺ ካራ ባይዚ ማታሶና ቆልሞ ታኢ ሄንቃያ ማዓኔ። ዒማና ታኢ ላምዎ ኮኦሎ ዔኪ፡ ፔቴ ኮኦላሢ ሱንዎ «ዎዛሴ» ጌይ ጌሢ፡ ባጋሢ ሱንዎ «ፔቱሞ» ጌዔኔ።

8 ፔቴ ዓገኒ ጋርካ ይያቶ ማራቶ ሄንቃ ሃይሣ ዓሶ ታኢ ዳውሲ ዳኬ፤ ዒማና ማራታ ታና ዒጻኔ፡ ታኢያ ዔያቶ ሹናዳኔ።

9 ይካፓ ታኢ ቆልሞም ሂዚ ጌዔኔ፡- «ሃይካፓ ሴካ ታኢ ዒንሢ ሄንቃዓኬ፤ ሃይቃሢ ሃይቆንጎ፤ ባይቃሢያ ባባይቆንጎ፤ ዓቲ ዓኣ ቆልማ ዎሊ ጋኣሺ ሙይ ባይቆንጎ፤»

10 ሄሊሳዎ «ዎዛሴ» ጌይ ታኢ ሱንዎ ጌሢ፡ ኮኦላሢ ታኢ ዔኪ ማንሣኔ፤ ይያ ታኢ ማዳሢ ሩንገና ሩንጋ ጎዳና ዎላ ታ ጫኦቄ ጫኦቄማ ሃሽንቴያ ማዔሢ ዔርዛኒኬ።

11 ይያ ጎይዎና ያኦሲ ጫኦቄ ጫኦቄማ ዒማ ኬላ ሃሽንቴኔ፤ ይያ ታኢ ማዳኣና ዔቄ ዘጋ ማራቶ ኮርማ ዓሳ ሩንገና ሩንጋ ጎዳ ቃኦሎ ይያይዲ ኬኤዜሢ ዔሬኔ።

12 ታኢ ዒማና፡- «ዒንሢ ናሽኬቴ ታኣም ኮይሳ ሚኢሾ ዒንጉዎቴ፤ ዒጻቴ ሃሹዎቴ» ጌዔኔ፤ ዔያታ ታኢ ማዳሢ ዛሎ ሃይሢታሚ ሹቸ ቢራ ታኣም ጪጌኔ።

13 ሩንገና ሩንጋ ጎዳሢ ታኣም፡- «ጌኤዠ ማኣርይዳ ሚኢሾ ጌሣ ሳኣጻና ዓጌ» ጌዔኔ። ይያር ታኢ «ማዲንቴ ማዶ ዛሎኮ ገዳ ሚኢሾኬ» ጌይ ታኣም ዔያታ ዒንጌ ሃይሢታሞ ሹዎ ቢር ዔኪ ማንዚኮ ያቶ ጋራ ዓጌኔ።

14 ይካፓ ሃሣ «ፔቱሞ» ጌይ ታኢ ሱንዎ ጌሢ፡ ላምዓሳ ኮኦላሢ ማንሣኔ፤ ይያ ታኢ ማዳሢ ዪሁዳና ዒሰራዔኤሌና ባኣካፓ ዎሊኮ ጌርሲንሢ ማዒ ሩንጎ ሩንጋ ባይቄሢ ዔርዛኒኬ።

15 ይያ ታኢ ማዳሰካፓ ሩንገና ሩንጋ ጎዳ ታኣም ሂዚ ጌዔኔ፡- «ሃሣ ገንሣ ማኣዳ ባኣዚባኣ ቆልሞ ሄንቃ ዓሲ ማዳ ጎይሢ ማዳ፤

16 ሳዔሎይዳ ሩንጋ ታኣኮ ቆልሞ ሄንቃንዳ ሄንቃ ዓሲ ታኢ ደኦራንዳኔ፤ ጋዓንቴ ይይ ዓሢ ይያይዲ ሃሺ ባይቄ ቆሎ ዛሎ ማታዲ

11:12 ማቲ. 26:15። 11:13 ማቲ. 27:9-10።

ማሉዋያ፣ ዠኣሌ ቆልሞ ኮዑዋያ፣ ሜቄ ቆልሞዋ ኮኣሉዋያ፣ ዋሊ ዓኣ ቆልሞም ያሃ ዓጉዋያ ማዓንዳኔ፤ ዒዚ ዬያይዶ ሃሻያ ቃራዲ ዲጩዞንህህ ሹኪ ሹኪ ሙዓንዳኔ፤ ሹቁሎዋ ዓይሱዋያ ዒ ቆፄ ሙዓንዳኔ።

17 ቆልሞም ሚጢንቶ ዒፄ፣ ዬያጉዴ ፓሁዋያ ማዔ ሄንቃ ዓህህህም ባዴዔ! ዒዛኮ ቃሶንታ ሚዛቆ ዓኣፖንታ ጩንቻ ዓራፖና ጫቶም፤ ቃሳ ዒዛኮ ጋፒንህህ ሜሊ ዘሌያ ማዖም፤ ሚዛቆ ዓኣፓ ዒዛኮ ጋፒ ባይቆም።»

12

ዬሩሳላሜኮ ሞርካ ዖሎና ኩዳንዳያ ማዒፃ ኬኤዚንቴህ

1 ጫሪንጮ ደጊዲ ዳሪህ፣ ሳዖ ቦኣኮልቄ ማኸፍህ፣ ዓሲማኣ ሸምፖ ዑኡሲ ዒንጌ ናንጊና ናንጋ ጎዳህህ ሂዚ ጋዓኔ፡-

2 «ዬሩሳላሜ ታኣኒ ዒዛኮ ኮይላ ዓኣ ሜሌ ዴራ ዒዛፓ ዑሽኪ ማህንታ ዑሽ ዓንጊ ማሃንዳኔ፤ ዬሩሳላሜ ዖላ ዓሳ ሙኪ ማንጋኣና ዪሁዳኣ ማንጊንታንዳኔ።

3 ዬኖ ኬሎና ዬሩሳላሜ ታኣኒ ዴሮ ቢያህም ዓጊፀዋ ዴኤፒ ላሌ ማሃንዳኔ፤ ዒዛ ቡጊ ሺኣሻኒ ኮዓይ ቢያ ፔኤሮ ማኣሳናንዳኔ፤ ዓጮ ቢያይዳ ዓኣ ዴራ ጉቤ ዒዛ ዖላኒ ሙካንዳኔ፤

4 ዒሚና ታኣኒ ፓራህህ ቢያ ዲቃህንዳኔ፣ ፓራህህ ቶጊ ዖላ ዓሶዋ ታኣኒ ዠኣሻንዳኔ፤ ፓራህኮ ታኣኒ ዓኣፖ ባይዛንዳኔ፤ ጋዓንቴ ዪሁዳ ዴሮ ታኣኒ ታ ዓኣፖና ዛጊ ዛጊ ካፓንዳኔ።

5 ዬያሮ ዪሁዳ ዓጮ ሱኡጋ ፔ ዒኖና፡- «ቢያ ባኮ ዎይህ ጎዳ ዒያቶኮ ያኣዛህ ማዔህሮ ዬሩሳላሜይዳ ናንጋ ዒዛ ዴራ ዒዛና ዎልቄ ዴንቃኔ» ጋዓንዳኔ።

6 «ዬኖ ዓቦ ታኣኒ ዪሁዳ ዴሮ ሱኡጎ ናኣቦይዳ ዳኪ ዔኤሃ ሃንፂሌ፣ ጮኦሪ ጌሃና ናኣራኮ ባኣኪዳ ዓይህንቴ ኩሻ ማሃንዳኔ፤ ዬያሮ ዔያታ ዔያቶኮ ኮይላ ዓኣ ሜሌ ዴሮ ሙዒ ባይዛንዳኔ፤ ዬሩሳላሜ ዴራ ጋዓንቴ ፔቴታዖ ዔኤቢ ዔያቶ ቆኦዲዋንቴ ካታሞይዳ ኮሺ ዴዓንዳኔ።

7 «ታኣኒ፣ ናንጊና ናንጋ ጎዳህህ ቤርታሳዖ ዪሁዳ ዴራ ሞርኮ ባሻንዳጉዲ ማሃንዳኔ፤ ታኣኒ ዬያ ማዳንዳህህ ዳውቴ ናኣቶ ቦንቾንታ ዬሩሳላሜይዳ ናንጋ ዴሮኮ ቦንቻ ሃንጎ ዪሁዳ ፃፀይዳፓ ባሽ ማዒ ዴግ ዴጊ ጎውዋጉዲኬ።

8 ዬኖ ዎዶና ታኣኒ፣ ናንጊና ናንጋ ጎዳህህ ዬሩሳላሜይዳ ናንጋ ዓሶዋ ጊቲማ ማዓንዳኔ፤ ዔያቶ ባኣካ ላቤያኬ ጌይንቴህታዖ ዳውቴጉዲ ደዲ ማዓንዳኔ፤ ዳውቴ ናኣታ ታና፣ ናንጊና ናንጋ

ጎዳሢጉዳይ፤ ገንሣ ሃሣ ጾኑሲ ከኢታንቻሢጉዳይ ሶርፒ ማዒ ዴር ዔኪ ዓኣዳንዳይ።

9 ታኣኒ ዒማና ዩሩሳላሜይዳ ሞርኬ ማዒ ዔቃ ዴር ካኣቶ ቢያ ያላኒ ገኢገንቲ ከሰካንዳይ።

10 «ዩኖ ዎዶና ታኣኒ ዳውቴ ዜርጾንታ ዩሩሳላሜይዳ ናንጋ ዓሶንታም ሚጨንታ ዓያናና ሸኢጸሢ ዓያና ሚርገሺ ዒንጋንዳይ፤ ዩያ ታኣኒ ማዳንዳሢ ሜቴ ናይ፣ ሃሣ ገንሣ ቶይዲ ናይ ሃይቃዛ ዒናፓ ዩኤኮ ጎይሢ ዔያታ ጨርጌሢ ሚጨንቲ ዩኤካንዳጉዳይ።

11 ዒማና ዩሩሳላሜይዳ ዩኤኪንታንዳ ዩኤፓ ማገደ ቦኦሎይዳ ሃዳዲሪሞኔ ዩኤኮና ጎይጾጉዳይ ማዓንዳይ።

12 ዩኖ ሳዔሎይዳ ፔቴ ፔቴ ቶኦካ ፔ ማኣሮ ዓሶማ ዓሶማ ዩኤካንዳይ፤ ዓቲንቃ ዒማና ዔያቶኮ ላኣላፓ ዲማዲ ዴይ ዩኤካንዳይ፤ ያዲዲ ዩኤካንዳይ ማኣራ፡- ዳውቴ ማኣሮ፣ ናኣታኣኔ ማኣሮ፣

13 ሌዊ ማኣሮንታ ሸምዒ ማኣሮንታ ፔ ቶኦኮና ቶኦኮና ፓቂንቲ ዩኤካንዳይ፤

14 ዩያጉዳይ ሃንጎ ዓቴ ማኣሮ ዓሳኣ ፓቂንቲ ፓቂንቲ ዩኤካንዳይ፤ ላኣላ ዔያቶኮ ዲማዲ ዴዒ ያዩ ዩኤካንዳይ።»

13

1 ቢያ ባኮ ዎይሣ ጎዳሢ ሂዚ ጋዓይ፡- «ዩኖ ዎዶና ዳውቴ ናኣቶንታ ዩሩሳላሜይዳ ናንጋዞንሢንታም ጎማፓ ዔያቶ ጌኤሻንዳ ዓልቃ ዎኣሢ ዑርታንዳይ።

2 ዓሳ ካኣሸካ ሜሌ ያኦዞ ሳይይዳፓ ዒማና ታኣኒ ባይዘንዳይ፤ ላሚ ዔያቶ ጸቂሣንዳ ዓሲያኣ ባኣሴ፤ ሜሌ ያኦዞ ማሊያ ከኤዘ ዓሶንታ ፑርቶ ዓያኖንታ ታኣኒ ባይዘንዳይ።

3 ዓይጎ ዓሲያኣ ማጾም ታኣኒ ያኦሲ ማሊሢ ከኤዘያኮ ጌይ ዔቂቴ፣ ዩያ ዓሢ ሸዔ ዓዶንታ ዒንዶንታ <ናንገና ናንጋ ጎዳ ሱንጾና ሉኡዚ ባኣዚ ኔ ከኤዘሢሢር ኔኤም ሃይቢ ኮይሳኔ> ጋዓንዳይ፤ ዒዚ ያኦሲ ማሊያ ከኤዘ ኔ ጋዓኣና ሸዔ ዓሳ ዒዘ ጨርገ ዎዳንዳይ።

4 ዩኖ ዎዶና ዓይጎ ዓሲያኣ ማጾም ታኣኒ ያኦሲ ማሊሢ ከኤዘ ኔ ጋዓ ዓሲ ቢያ ዒዘም ፔጋዲ ጴዳ ባኮ ዴንቃጾ ቦርሲንታንዳይ፤ ዓሶ ጌሻኒ ያኦሲ ማሊያ ከኤዘ ዓሳ ማኣዓ፣ ጋፓኖ ማኣዓሢ ማይንቲ ከሰኪ ዒ ጴዳዓኮ።

12:10 ዮሃ. 19:37፤ ዮሃ. ጾፔዳ 1:7። 12:14 ማቴ. 24:30፤ ዮሃ. ጾፔዳ 1:17።

5 ዒዚ ዒማና፡- ታኣኒ ጎሺ ጎሽካ ዓሲኬ፣ ያኦሲ ማለሢ ኬኤዛያቱዋሴ፤ ታኣኦ ዴጋቶ ዋዲፓ ዓርቃዖ ታኣኒ ጎሺ ጎሽኪ ናንጋ ዓሲኬ» ጋዓንዳኔ።

6 ፔቲ ዓሲ፡- <ሃይ ኔኤኮ ዑዖይዳ ዓኣ ኪፃ ዓይጌ ኪፃሴ ኪሢዳዖ?> ጌይ ዖኦጮቲ፣ ዒዚ፡- <ታ ዒጊኒሰኬያ ማኣራ ታ ማዳዖ ኪፃዴ ኪሢኬ» ጌይ ማሃንዳኔ።»

ዖኦሲኮ ቆልሞ ሄንቃሢ

7 ቢያ ባኮ ዖይሢ ጎዳሢ ሂዚ ጋዓኔ፡- «ታኣኮ ጩንቾ ዓፓራሢዮ! ታና ማኣዲ ታ ቆልሞ ሄንቃ ዓሢ ዑፃ ፑርቱሞና ዔቁ! ማራታ ዣኣሊ ዴንዲ ባይቃንዳጉዲ ሄንቃሢ ጫርጊ ዋዴ! ታኣኒያ ዳኮ ዳኮ ቆልሞ ዋዲ ኩርሳንዳኔ።

8 ዓጮይዳ ዓኣ ዴርኮ ሃይሃፓ ላሞዖ ማዓ ዛላ ጉቤ ሃይቁ ኩዳንዳኔ፤ ያዲ ማዔቴያ ሃይሃፓ ፔቲ ዛላ ማዓይ ሃይቁዋዖ ዓታንዳኔ።

9 ዬያቶ ታኣኒ ዓንጊ ታሚዳ ዓጊ ሸኤሽ ኬሶሢጉዲ ታሚዳ ታ ዔያቶ ጌልዚ ዛጋንዳኔ፤ ዋርቁያ ጎኔ ዋርቁ ማዒፃ ዛጊንታሢጉዲ ጎኩሞ ታ ዔያቶኮ ዛጋንዳኔ፤ ዬካፓ ዔያታ ታና ሸኢቃንዳኔ፤ ታኣኒያ ዔያታ ሸኢቃ ባኮ ዔያቶሞ ዋይዛንዳኔ። ታኣኒ ዔያቶ፡- ታ ዴሬዮ» ጋዓንዳኔ፤ ዔያታኣ ታና፡- <ናንጊና ናንጋ ጎዳ ማዔ ኑ ያኣዛሢዮ» ጋዓንዳኔ።»

14

ዬሩሳላሜና ሜሌ ዓጮ ካኣቶና ዛላ

1 ናንጊና ናንጋ ጎዳሢ ዋጎ ዋጋ ኬላ ሄሌኔ፤ ዒማና ዒንሢ ዛጋ ጎይሢ ዓኣንቲ ዒንሢፓ ቡሪ ዔኬ ዓሳ ዔኬ ባኮ ዋለሞ ጊሸታንዳኔ።

2 ዬሩሳላሜ ያለንዳጉዲ ናንጊና ናንጋ ጎዳ ሜሌ ዴር ዔኤሊ ዔኪ ዬዓንዳኔ፤ ካታሜሎ ዔያታ ዓርቃንዳኔ፤ ኬኤዖዋ ቡራንዳኔ፤ ዒኢካ ዓኣ ላኣሎዋ ዋልቁና ዓርቃንዳኔ፤ ዴርፓ ሄካሢ ዲዒንቲ ዔውታንዳኔ፤ ዓቲ ዓሳ ጋዓንቲ ካታሚፓ ሜሌ ቤሲ ዴንዳዓኬ።

3 ዬካፓ ናንጊና ናንጋ ጎዳ ሃያኮ ቤርታ ያላ ጎይዖ ዬያቶ ሜሌ ዴር ያላኒ ኬሰካንዳኔ።

4 ዬኖ ዓቦ ናንጊና ናንጋ ጎዳሢ ዬሩሳላሜኮ ዓባ ኬሰካ ባንፃ ዓኣ ሪሚቶ ዲካ ኬሰኪ ዔቃንዳኔ፤ ዒማና ዬይ ሪሚቶ ዲካ ዓባ ኬሰካ ባንፃፓ ዴንዲ ዓባ ጌላ ባንፃ ሄለንዳኣና ዳልጊ ዶኦቺ ማዒ ላሞዖ

13:7 ማቲ. 26:31፤ ማር. 14:27።

ፓቂንታንዳኔ፤ ይናገር ይናገሩ ደኅኑካ ህካሄ ከደ ዛሎ ባንህ፤ ዛላ ደኅሎ ዛሎ ባንህ ደጩንዳኔ።

5 ደኅኑ ይናገሩ ለምፖ ፓቂ፣ ዴንዲ ዓፃሌ ሄሌ፣ ይና ደኅጮና ፑኒ ቶሊ ዲንህ ዴንዳንዳኔ፤ ዪሁዳ ካኣቲ ያኅዚያ ዎደይዳ ሳባ ዓገፃያና ዲንህኮ ቤርታኣ ዓደንህ ፑኒ ዴንዴ ጎይያ ዲንህ ፑኒ ዴንዳንዳኔ፤ ናንገና ናንጋ ጎዳ ማዔ ታ ያኅዛህ ጌኤዢ ዓሶ ፔኤና ዎላ ዔኪ ዩዓንዳኔ።

6 ዩኖ ከሎ ሳፆ ሻኣሬ ዓርቁጉዲ ፖባ ጌኤሽኪ ፖባዓኩ።

7 ዩና ከላ ፖሊያ ፖሊ፣ ዲሚያ ዲሚ ጋባ ባኣዚ ባኣያ ፔቴ ዲማ ከሊ ማዓንዳኔ፤ ዩና ከላ ናንገና ናንጋ ጎዳ ዔሬ ከሊ ማዓንዳኔ፤ ዲማዛኣ ፖፖባ ከሊ ማዓንዳኔ።

8 ዩኖ ዓቦ ዩሩሳላሚያ ጌኤሽ ዎኣህ ዓልቃንዳኔ፤ ዩና ዎኣዎኮ ዛላ ዓባ ከሰካ ባንፃ ዓኣ ዴኤፖ ባዘይዳ፣ ዛላ ጊንህ ዓባ ጌላ ባንፃ ዓኣ ሜድቴራኒያ ባዘይዳ ዓኣዲ ጌላንዳኔ፤ ያጎዎናኣ ማፆም ባርጎና ቢያ ዎዴ ዩይ ዎራ ጎዔ ጎይህ ዴዓንዳኔ።

9 ዩኖ ዎደና ናንገና ናንጋ ጎዳ ቢያ ዓጮይዳ ካኣታዳንዳኔ፤ ዓሲ ቢያ ዒዚ ሌሊ ያኣሲ ማዔህ ጉሙርቂ ዔካንዳኔ፤ ዒዛ ሱንፆዎ ሌሊ ዔኤሊ ካኣሽካንዳኔ።

10 ባጮኮ ከደ ዛላ ዓኣ ጌባዔይዳፓ ዓርቃፆ ዴንዲ ዩሩሳላሚኮ ደኅሎ ዛሎና ጌይ ዴንዲ ሪሞኦኔ ሄላንዳኣና ዓኣ ዓጮ ቢያ ቦኣሊ ማዓንዳኔ፤ ዩሩሳላሚ ኮይሎይዳ ዓኣ ዓጮፓ ዑህ ለካ ዴግ ጋግዳኔ፤ ካታሚላ ቢኢኒያሜ ካራፓ ዴንዲ ቤርታኣ ካር ዛሎይዳ ዓኣ ለምፆ ዲፃ ዎላ ካኣማ ካር፤ ዩናጉዲ ሃናኒዔኤሌ ከኤሎ ዲፃፓ ዴንዲ ካኣቲሞ ማኣርኮ ዎይኖ ዑዢ ጩኤጶ ቤዘ ሄላንዳኣና ዴግ ዴጊ ጌይ ደዲ ዴዓንዳኔ።

11 ዩሩሳላሚ ዓሲ ናንጋ ቤሲ ማዓንዳኔ፤ ሃይካፓ ሴካ ዒዘይዳ ባይሲንታ ከዳዓኩ፤ ዒኢካ ናንጋ ዴራኣ ሂርጋ ባኣያ ሃውሺ ናንጋንዳኔ።

12 ዩሩሳላሚ ያላኒ ዔቃ ዴርይዳ ናንገና ናንጋ ጎዳ ዎዲ ኩኩርሳ ደርፆ ዓጋንዳኔ፤ ሽምፔና ዔያታ ዓኣንቲ ዑፃ ዓኣ ዓሽካ ዔያቶኮ ሙርዓንዳኔ፤ ዓኣፓ ዔያቶኮ ዴዒ ዓኣ ዔቶይዳ ዒኢካ ዎዓንዳኔ፤ ዒንዲርዛኣ ዳንጎ ጋራ ዓኣፆ ሙርዓንዳኔ።

13 ዩኖ ዎደና ናንገና ናንጋ ጎዳ ካራ ባይዛ ሜቶና ዒገቹሞና ዓሶይዳ ዳካንዳህር ፔቴይ ባጋህዳ ሞርኬ ማዒ ዔቂ ዎሊ ዎዳንዳኔ።

14:8 ሂዚ. 47:1፤ ዮሃ. 7:38፤ ዮሃ. ያፔዳ 22:1። 14:11 ዮሃ. ያፔዳ 22:3።

14 ዪሁዳ ዴራ ዩሩሳሌም ዓውሳኒ ያላንዳኔ፤ ከይሎይዳ ዓኣ ሜሌ ካኣቶኮዋ ቆሎ ቢያ ደዒ ዔካንዳኔ፤ ዔያታ ደዒ ዔካ ባኮይዳ ዋርቄ፥ ቢራንታ ማኣዎኮዋ ደማ ደማ ቶኦኪ ደቢ ዓኣያ ማዓንዳኔ።

15 ዬያጉዴ ዎዲ ኩርሳ ደርዓ ሞርኮ ጉርደይዳ ዓኣ ደማ ደማ ቆልሞ፥ ፓራሢ፥ ባቁሎ፥ ጋኣላሢንታ ሃሮንታ ቢያ ኬዲ ዎዲንዳኔ።

16 ዩሩሳሌም ያሌ ካኣቶፓ ባይቁዎዎ ቶሊ ዓቲ ካኣታ ዉልሾ ዴማ ዴዒ ቦንቾ ቦንቾ ቦንቻኒና ቢያ ባኮ ዎይሢ ጎዳሢ ዚገ ካኣሽካኒ ሌዓ ሌዓ ዩሩሳሌም ሙካንዳኔ።

17 ካኣታሢ፥ ቢያ ባኮ ዎይሢ ጎዳሢ ዚገ ካኣሽካኒ ዩሩሳሌም ሙኩዎ ዴዒ ዓኣቶ ዔያቶኮ ሳዎይዳ ዒርዚ ዋርቁንዲዎሎ።

18 ጊብፄ ዓጮ ዓሳ ዬያ ቦንቾ ቦንቻኒ ዩሩሳሌም ሙኪ፥ ናንገና ናንጋ ጎዳ ቤርቶ ሺኢካኒ ከይባኣቶ «ዩሩሳሌም ኦኦኒ ዴንዲ፥ ዉልሾ ዴማ ዴይ ቦንቾ ቦንቾ ቦንቻዓ» ጋዓ ካኣቶይዳ ኬዴ ዎዲ ኩርሳ ደርዓሢ ዔያቶይዳኣ ኬዳንዳኔ።

19 ጊብፄ ዓጮ ዓሶ ማዔቲያ ሜሌ ካኣታ «ዉልሾ ዴማ ዴይ ቦንቾ ቦንቾ ኦ ቦንቻዓ» ጌኤቴ ዔያቶይዳ ሙካንዳ ሜታ ዬያኬ።

20 ዬኖ ዓቦ ፓራሢኮ ሉኡሎ ኬኤዎይዳ ቱከንታ ሉኡሎይዳ ቢያ «ናንገና ናንጋ ጎዳሢሞ ደማዴያ» ጋዓ ፃኣፒንቴ ባኣዚ ኮሺንታዳኔ፤ ጌኤኩ ማኣሮይዳ ዓሽኮ ካሢ ዎታ ዎኦሲሞ ዒንጎ ባኮ ዒንጎ ቤዘይዳ ዓኣ ዓንጎ ሳኣኖጉዲ ናንገና ናንጋ ጎዳሞ ደማዴያ ማዓንዳኔ።

21 ዩሩሳሌምና ዪሁዳ ዓጮናይዳ ዓኣ ዓሽኮ ካሢ ዎታ ቢያ፥ ቢያ ባኮ ዎይሢ ጎዳሢሞ ደማዴያ ማዓንዳኔ፤ ዎኦሲሞ ዒንጎ ባኮ ዔኪ ሺኢሻ ዓሳ ቢያ ዬያ ዎቶ ዔኪ ዔኪ ዓሽኮ ካሢንዳኔ፤ ዬይ ያዲ ማዓኣና ቢያ ባኮ ዎይሢ ጎዳሢኮ ጌኤኩ ማኣሮይዳ ካኣናኔ ዓሲ * ባኣያ ማዓንዳኔ።

14:16 ለዊ. ዓከ 23:39-43። * 14:21 ካኣናኔ ዓሲ፡- ጋዓዞ ፔቴ ፔቴ ማጻሕፍት ኮርሞ ኮርማ ዓሲ ጋዓኔ።

ጌኤዢ ማግኔጎ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዢ ማግኔጎ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929